



Komisaris Adjuntu PNTL, Faustino Da Costa Akompanya Husi Administrador Munisipiu Aileu no Representante Embasada Nova zelandia Koa Pita Simbolu Inagurasaun OPS Suku Selo Craik, Munisipiu Aileu.

Uma Oficial Polisia Suku (OPS) Suku Selo Craik Oficialmente Inagura

Komisariu Adjuntu PNTL, Faustino da Costa Akompanha Husi Administrador Munisipiu Aileu, no Representante Embasada Nova Zelandia koa Pita simbolu inagurasaun OPS Suku Selo Craik, Munisipiu Aileu.

Uma nee konstrui uja sistema PNDS ho nia medida 7X8 m2 kompostu husi kuartu familia rua kompletu ho facilidades inklui haris fatin ida kompletu ho instalasaun bee mos no sala serbisu polisia suku nia.

Diretora PNDS, Dulce Guterres Junior iha entrevista ho jornalista sira hateten ho sistema PNDS ami konsege implementa ona pilotu uma sanulu resin hat iha territóriu Timor-Leste ba suku 14, kada munisipiu hetan uma ida.

Tuir Diretora Mesmu ho orsamentu ne'ebe kiik ami kontrui ona uma hirak nee ho kualidade ne'ebé diak kompletu ho facilidade lubuk ida, enkuantu kampara ho projetu baibain ho orsamentu provolta entre 20 ital mil ate 30 ital mil sei labele halo buat ida hanesan ami halo, maibe tanba ho sistema ne'ebé diak husi PNDS ami konsege halo ida nee atu bele fasilita diak liután atendementu polisia nia iha comunidade nia leet.

Entretantu Iha intervensaun embasadora Nova Zelandia ba Timor Leste, Vicki Poole sente kontente tanba ho sistema ne'ebé PNDS uja bele konstrui uma ba polisia suku ho kualidade ne'ebé diak, no ida nee nudar pasu positivo hodi bele fasilita knar polisia suku. Iha lia fuan ikus husi reprezentante governo Nova Zelandia ba Timor Leste nee mak deklarara prontidaun atu kontinua apoiu nafatin Polisia Nasionál Timor Leste iha futuro.

PNDS Implementa ona Projetu Infraestrutura Basiku ho Eskala Kiik Hamutuk 1.374 no sei Implementa Programa Retornu Ekonomiku Basiku (PREB) iha Programa Governo da Walu

Diretora PNDS, Dulce Guterres Junior desimina informasaun ne'e wainhira hetan konvite hodi hala'o palestra ba partisipante treinamentu fasilitador World Vision nian iha salaun centru Juvenil, Taibesi Dili, 11/06/2018.

Iha Palestra Diretora PNDS, Dulce Guterres Junior hateten implementasaun programa PNDS bazea ba enkuadramentu legais lubuk ida mak hanesan Lei Nu 3/2009, konaba Lideransa tradisionál, Dekretu Lei Nu 4/2012, Planeamentu Dezenvolvimentu Integradu Distrital, Rezolusaun Governo Nu. 1/2012, Aslera Dezenvolvimentu Komunitariu, Diploma Ministerial Konjunta Nu. 22/2012, komisaun Inter-Ministerial no Grupu Trabalho Tekniku Inter-Ministereial, no enkuadramentu seluk maka Dekreto Lei Nu. 30/2015 1^a alterasaun husi Dekretu Lei Nu. 8/2013 no mata dalan implementasaun programa PNDS.

Diretora afirma ho sistema ne'ebé PNDS iha oras nee dadaun PNDS implementa mos projetu pilotu uma ba ofisial polisia suku hamutuk 14 iha territóriu Timor Leste husi distritu 12 inklui RAEOA, no projetu hirak nee maioria finaliza ona no sei entrega ba komando PNTL hodi koloka pesoál polisia suku ba fatin refere.

PNDS

Hamutuk Ita
Dezenvolve Nasaun

Augustu 2018

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa (Transferensia Fundus Operasional) remata ona 2017




Projeitu ba Kada Seitor iha Nivel Nasional

Faze I Siklu 2



Faze II Siklu 2



Diresaun Nasional Edukasaun Pre Escolar, Ministeriu Edukasaun Hamutuk ST - PNDS Hala'o Workshop Konaba Mekanizmu Estabelesimentu Fatin Halimar ho Apoiu Programa HANS

Workshop durante loron ida tomak nee partisipa husi estrutura ST.PNDS ho Diresaun Nasional Edukasaun Pre Escolar, Ministeriu Edukasaun, ho intensaun prinsipal atu diskuti mekanizmu estabelesimentu fatin halimar ba Pre-Escolar, aktividade nee realiza iha sesta 13/07/2018 iha Timor Plaza Dili.

Objetivo prinsipal husi workshop nee mak atu finaliza akordu tekniku no mata dalan implementasaun hodi lori ba hetan aprovasaun husi membru (Komite Koordinasaun Teknika) KTT, finaliza diskusaun kona-ba BoQ, diskuti plano formasaun hamutuk, finaliza kalendaru implementasaun no ikus liu mak hili membru KTT no konkorda data enkontru ba KTT.

Diretora PNDS, Dulce Guterres Junior iha nia intervensaun iha enkontru nee hateten enkontru ohin nudar sorumutu inportante atu ita bele finaliza dokumentus inportante ne'ebé sei uja hanesan baze fundamentu atu ita bele serbisu hamutuk hodi implementa fatin halimar ba Pre-Escolar. Aktividade ida nee nudar aktividade adisional ne'ebé PNDS hetan fiar husi Ministeriu Edukasaun atu implementa tanba nee serbisu hamutuk entre tekniku PNDS ho tekniku Ministeriu Edukasaun, special Diresaun Nasional Infraestrutura inportante atu bele finaliza obra fatin halimar ho kualidade ne'ebe diak.



Uma Oficial Polisia Suku (OPS) iha Metinaro oficialmente inagura husi Embaisadora Nova Zelandia no akompanha husi Komandante Geral PNTL

Uma Oficial Polisia Suku (OPS) ne'ebé hetan apoiu orsamentu husi governo Nova Zelandia ba Polisia Nasional Timor Leste, hodi ajuda knar polisia Suku iha baze, iha loron 29/06/2018, oficialmente inagura husi embaisadora Nova Zelandia no akompanha husi Komandante Geral PNTL no Diretora PNDS.

Diretora PNDS, Dulce Guterres Junior iha entrevista ho jornalista sira hateten ho sistema PNDS ami konsege implementa ona pilotu uma sanulu resin hat ne'ebé konstrui iha territóriu Timor Leste iha suku ida iha kada Munisipiu.

Entretantu Iha intervensaun embaisadora Nova Zelandia ba Timor Leste, Vicki Poole sente kontente tanba ho sistema ne'ebé PNDS uja bele konstrui uma ba polisia suku ho kualidade ne'ebé diak, no ida nee nudar pasu positivo hodi bele fasilita knar polisia suku. Iha lia fuan ikus husi reprezentante governo Nova Zelandia ba Timor Leste nee mak deklarar prontidaun atu kontinua apoiu nafatin Polisia Nasional Timor Leste iha futuru.

Nune'e mos Komandante Geral PNTL, Komisariu Julio da Costa Hornai iha nia intervensaun agradese ba governo Nova Zelandia tanba bele apoiu ona orsamentu hodi konstrui uma ba ofisial polisia Suku hodi bele fasilita knar Polisia komunitariu iha suku laran.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

